



Kavamanga Nunavut Uranium-mut Maligakhanut Titiraqhimayait

Kavamanga Nunavut ihumagiyaat uyaraqhiurniq piyakhauyuq maniliurutigilugu pilugit piyumayainut Nunavuttip angikliyuumiliktunut inugiakhilikhuni havaakhaliurutikhanullu ayuiqhautikhanullu pivalliatjutikhanut Nunavunmiutanut.

Kavamanga Nunavut ilitarhimayut taimaa uranium-mik uyaraqhiurniq pitjutikhakaktuq kavamatkunut itjuhiriyaainut uranium-mut hunaliurutainullu, kangaraalukmi uqaqhimayainut atuqpagainut naguuyumik naguungittumiklu atuqhugu, imaalu pitjutiginiarungnaqhiyaainut inungnut aannairutinut avatingnullu.

Kavamanga Nunavut ilitarhimayut taimaa aviktuqhimayumi uumunga Nunavunmi Qanurivallianikkut Ilittuqhaivlutik Katimayiit unalu Nunavunmi Imaliriyiit havakpagainut *Nunavunmi Angiqatigiigut Nunataarutinut* maliguagakhani uranium-mik uyaraqhiurnikkut.

Kavamanga Nunavut ilitarhimayut taimaa uranium pitjutikhakaktuq nunakyuami angirutikhanut nunakyuamilu maligakhanut. Kavamanga Nunavut ikayuqniaqtut havaktakhanut ukunanga Canadian Nuclear Safety Commission.

Kavamanga Nunavut uqaqtaalikkata pitjutimut naunaikhimayunut uranium-mut pivalliatjutikhanut havaktauyakhanut, taamna pitjtuikhaa hivunighaliuqtauniaqtuq ukunanga Kavamanga Nunavut uranium-mik uyaraqhiurnikkut hivunighaliurutikhat naunaikhimayut ataani.

Kavamanga Nunavut ikayuutiginiaqtaa uranium-mik uyaraqhiurnikkut pitjutauniaqtuq ataaniittunut hivunighaliurutikhanut:

1. Uranium-mik uyarahiuqhimayut Nunavunmi atuqtauniaqtut naguuyunut avatingnullu piyakhanut pitjutigilugu.
2. Nunavunmiut nunataaqataullaqtughayut uumunga uranium-mik uyaraqhiurnikkut hulilukaarutainut.
3. Aanniartailiniq qayangnautikhallu havaktunut ilaayut uumani uranium-mik uyaraqhiurnikkut tamaitalu Nunavunmiutat munariyauniaqtut maliklugit nunakyuami maligakhat.
4. Avatingnut maligakhat naunaiktauyakhat uumunga uranium-mik uyaraqhiurnikkut, nunamulluaq kihimi pilugu, imakmut huratjanullu.
5. Uranium-mik uyaraqhiurnikkut ikayuqtauyughaq Nunavunmiutanit, tahapkunalluaq nunallaanut qanittunut talvunga uranium-mik uyaraqhiurvikmut.